

## QUANDO I MARCHE I MARCA BÉ

Cósa mai pòss cöntà sö  
de òna setimana issé?  
Dì che ol töt a l' è indàcc bé  
l' è compàgn de di òn'asnàda  
perchè pròpe m' s' è troàcc  
töcc contécc e sudisfàcc.

Per ol sul gh' è de scomèt  
che per vighel sèmper dré  
l' gh' à pensàt amò ol Falchèt  
salvo fòrse chèl bröt dé  
che amò prima de tomà  
fòrse l' s' éra incantàt vià.

Dòpo töt a l' è canònech  
l' è òna régola spassiàl  
che a scontràss con vü biònech  
s' pöl ris-cià de fàss del mal  
se no s' gh' à impó sö la mà  
fò d'la fila a sorpassà.

Chèl che se püdia scriv  
söl Gran Sass e i Sibili  
me l' à scricc sura la niv  
sènsa pèna e gna peni  
fòrse giösto impó de péna  
me la fàcia a rià inséma.

Ma se pròpe pròpe s' völ  
stà a sircà 'l pél in del òv  
a pòss dì, a üli èss pignòl  
de i ést ü gat istöf  
che l' sircàa de stà tecàt  
al furgù per tirà 'l fiàt.

Ma sto impécc l' è consequènt  
a la nōa sitiassiù  
de troàss bèl e inteligènt  
tat che a ògne colassiù,  
tal e inguàl cóme i vegiàboi,  
lù l' fà sfògio de vocàboi.

Töt gran bèl per i ciclisti  
ol percòrs e pò ol paesàgio,  
scambe i pòer milanisti  
i s' è és-cc stèss de ü miràgio  
portàss vià chèla gran còpa  
col magù in de góla stòpa.

E issé zó telefunàde  
ai moér e pò ach ai s-cècc  
per tō vià di balcunàde  
di finèstre e parapècc  
la bandéra za espunida  
prima amò de la partida.

Ghe sarèss pò i zuenècc  
che gnamò i à dervit l'anta,  
ma per lur ol cóld e 'l frècc  
no i à fréna e gnàch i stanta  
a gudiss chèsto ciclismo  
sènsa fà del agonismo.

Lur i sèra fò ol albèrgo  
quando m' cambia de sità  
e po', cóme s' dis in gèrgo,  
i se mèt a pedalà  
per ridüs issé i distànse  
e èss prim amò in di stanse.

Col pis nèt e sènsa tara  
de somnà con töt ol bèl  
gh' è de mèt pò ach a' la gara  
conclüida al Pass Cornèl  
che l' è stàcia la serésa  
sò la turta de l'impréa.

E pò quando in del convènt,  
che ògne tat a l' fà de albèrgo,  
l' à parlàt ol president  
pròpe lü col sò bèl gèrgo  
l' à esaltàt i sfregasèla  
bràe a tàola e a copèla.

E de capo cóme l' è  
a l' gh' à dàcc a ògn'ü ol sò encòmio  
però mé a só che gh' è  
in de l'aria a' quàch escòmio  
per chi stüna in del nòst còro  
desmentégo del decòro.

Ma se ògn'ü l' ghe mèt del sò  
sènsa pretendila prònta  
èco infì che l' salta fò,  
col diertimét de zònta,  
che sta bèla compagnia  
la pedàla in alegria.

Ol pensér l'òltima idéa  
la ghe à al vice e al segretàre  
giösto ol Cicio e pò ol Andréa  
che in di Marche, a quanto pare,  
al esòrdio, segónd mé  
i à marcàt pròpe gran bé.

ol amleto

*settimana ciclistica  
Marche, Gran Sasso e Monti Sibillini  
maggio 2005*

## INNO DEGLI SFREGASELLA

Siamo un gruppo eccezionale  
(l'ha giurato il presidente)  
nei rapporti ogn'uno vale  
conta tanto quanto un dente  
per comporre la gran stella  
che incatena i sfregasella.

*Corri corri o sfregasella,  
ragioniere o pensionato  
anche tu corri aggregato  
che la vita è tanto bella.  
Corri corri dai pedala  
pigia forte sui pedali  
che la bici ci regala  
meraviglie naturali.*

In salita ci sgraniamo  
come i grani di un rosario  
ma a convivio, quando siamo,  
si riduce ogni divario;  
c'è chi crea e chi fa la tappa  
c'è chi cuce e chi si strappa.

*Ma tu corri o sfregasella,  
pensionato o ragioniere  
che la bici è un gran piacere  
e la vita è tanto bella.  
Corri corri dai pedala  
pigia forte sui pedali  
sol la bici ci regala  
queste gioie naturali.*